

經部

詳校官監察御史臣周元良 給事中臣温常題發勘

總校官檢討臣 何思 校對官中書臣陸 腃 绿監生 臣施 華 魡 湘

NAMOUN ALSO 15% 人文有之得,與子也似上南 通長殇車三 A CHARLES & L. 、 他の意味語 禮記述註 Mary Table 庶長殇車一乘大夫之適長 馬之賜而得遺車者言 - 降殺以兩諸侯自得 李光坡 撰

とうして 成人乃三乘長殤則一乘大夫自得五乘適子成人 謂國君亦或有地大夫通得稱君也公專言五等諸 七乘其適子成人五乘長殤降二故三乘也庶子若 設遣與以真之柱體分析包裹用此車載之以遣送 三乘長殤故一乘 為之也禮中殤從上君適長三乘則中亦三乘下則 侯也十六至十九為長殤葵比殤時枢朝廟畢將行 死者故名遣車車制甚小以置之轉內四隅不容大 こずを 集說曰此言送赐遣車之禮君

公之喪諸達官之長杖 君於大夫將蘇吊於宮及出命引之三步則止如是者 VALUE LIVE IN 皆有長貳此以長言則不及貳也 者其恩厚故公之喪惟達官之長杖 史而下皆長官自辟除則不可謂之達矣受命於君 方氏曰受命於君者其名達於上敌謂之達官若府 長一乘則中亦一乘下殤及庶殤並無也 乘也公庶長一乘則中亦一乘下則無也大夫適 使犯述註 集說曰凡官

三君退朝亦如之哀次亦如之 年了区屋と言 五十無車者不越疆而吊人 賓客次舍之處孝子哀而暫停極車則亦如之 官或當極朝廟之時亦如之或已出大門至平日待 如是者三極車遂行君即退去君來時不必恒在殯 忍君命引之奪其情也引者三步即止君又命引之 集說曰弔於宮其殯宮也出柩已行也孝子攀號不 集說曰始東之年不可以筋力為禮也

季武子寢疾轎固不說齊哀而入見曰斯道也将亡矣 也曾熙倚其門而歌 士唯公門説齊東武子曰不亦善乎君子表微及其喪 禮也武子善之言失禮之顯著者人皆可知若失禮 衣凶服而問疾且曰大夫之門不當釋凶服唯君 乃説耳此禮將亡我之凶服以來欲以救此將亡之 哲曾子父也武子寝疾之時轎固適有齊東之服遂 集說曰季武子魯大夫季孫凤也轎固人姓名點字

ている かん

禮記建註

金ケセたと言 疆而书人行弔之日不飲酒食內馬 大夫弔當事而至則辭馬弔於人是日不樂婦人不越 憾 鮫 畏固之為此欲以易時人之觀瞻據禮而行武子 集說曰大夫弔弔於士也大夫雖尊然當主人有小 端 大飲或礦之事而至則價者以其事告之群猶告 不 微細者惟君子乃能表明之也武子執政人所尊 數記者盖善轎固之存禮而識曾點之廢禮也 得而罪之也若倚門而歌則非禮矣其亦在之

弔於裝者必執引若從枢及擴音執練 不限人数皆悉執綿也引者長遠之名故在車車行 足則餘人皆散行從極綿引棺索也至下棺室時則 註日示助之以力 也 不越疆而吊是日不樂不飲酒食內皆為餘哀未忘 也若非當事之時則孝子下堂迎之婦人無外事故 執事故必 相 助引枢車凡執引用人貴賤有數数 禮已走生 疏曰引引柩車索也吊葵本為

金灰匹产生章 承事主人曰臨 丧公吊之必有拜者雖朋友州里舍人可也弔曰寡君 遠也綿是撥舉之義故在棺棺惟撥舉不長遠也 集說曰此謂國君吊其諸臣之喪吊後主人當親 命以入之辭主人曰臨者謝辱臨之重也 謝丧家若無主後必使以次疏親往拜若又無 亦可也寡君承事言來承 則 死者之朋 友及同 卷四 州同里及丧家典舍之人 助丧事此君語檳者 傅 往 往 疏

君遇枢於路必使人弔之 大夫之丧庶子不受弔 CALLO LOL ALA. - IN 疏曰言大夫庶子不受 吊則士之 庶子得受吊也 微賤者耳必使人吊者君於民臣有父母之恩也 庶子不敢受弔不敢以甲賤為有爵者之喪主也 集說曰大夫之丧適子為主拜賓或以他故不在 **吊於路何也盖有爵者之丧當以禮吊此謂臣民之** 集說曰蕢尚畫官受吊不如把梁之妻知禮而此言 禮記述註 則]

妻之是弟為父後者死哭之適室子為主袒免哭踊夫 金グしたノニー 入門右使人立於門外告來者神則入哭父在哭於妻 之室非為父後者哭諸異室 之下西向免哭踊者冠尊不居肉袒之上必先去冠 者甥服舅總故命已子為主受吊拜賓也位在東陷 正敌也敌姊妹之夫為之哭於適室之中庭子為主 流 而加免故凡哭哀则踊踊必先袒袒必先免故袒免 日女子子適人者為昆弟之為父後者不降以其

有殯聞遠兄弟之喪哭於側室無側室哭於門內之右 室異室總皆曰寢 於嫡也案奔丧禮妻黨哭諸寢寢是大名雖適室妻 者父在已之父也為父後妻之父也哭於妻室註云 哭踊也夫入門右者謂此子之父即哭妻兄弟者入 不以私丧干尊哭於異室者雖父不在亦别哭之異 之喪而末往吊時禮也來相吊者仰與亡人相習 門右近南而北向亦哭踊也 集說曰此聞妻兄弟 知

7. A.) Color : All didicio | | //

禮记述註

金牙正匠 同國則往哭之 内之右 有殯聞遠兄弟之丧雖總必往其亦謂同國 集說曰側室者無寢之旁室也門內大門之內也門 47.1 繼 門而近於南也猶西面但近南耳上篇言 歟 方

東

西面于門内之右者不居主位示為之變也同

口哭於 侧室註云嫌哭殯也尋常主位當在作

陷

國

氏

則

往者以其不遠也

·張死自子有母之丧齊哀而往哭之或曰齊哀不以

曾子曰我用也與哉 有若之喪悼公弔馬子游擯由左 COUNTY LIL 右子 集說曰悼公魯君良公之子摘赞相禮事也立者尊 註曰於朋友哀痛甚而往哭之非若凡形 往哭故或人非之也若有服者雖總亦往也 註曰以其無服非之 游由公之左則公在右為尊矣少儀云部群自 禮記述 註 疏口曾子 與子張無服不應

齊穀王姬之喪魯莊公為之大功或曰由魯嫁故為之 金三 电压人 服姊妹之服或曰外祖母也故為之服 喪禮者亦多由右故子游正之也 右者謂傳君之部命則部命為尊故傳者居石時相 於魯其初由魯而嫁故魯君為之服出嫁姊妹大功 也天子為之無服嫁於王者之後乃服之 註曰春秋周女由魯嫁卒則服之如内女服姊妹是 讀為告齊襄公夫人王姬卒在魯莊之二年赴告 发四 集說曰

亦不可久也時亦不可失也孺子其圖之 亡國恒於斯得國恒於斯雖吾子儼然在憂服之中丧 晉獻公之丧秦穆公使人弔公子重耳且曰寡人聞之 PAJOIN AIM 之吊為正禮故以且曰起下辭寡人聞之者此使者 為外祖母又不知外祖母服小功而以大功為外祖 母之服 其亦妄矣 集說曰獻公薨時重耳避難在狄故穆公使人往弔 服禮也或人既不知此王姬乃莊公舅之妻而以 禮記建立

辭馬 以告舅犯舅犯曰孺子其辭馬喪人無實仁親以為實 父死之謂何又因以為利而天下其熟能說之孺子其 時春已有納之之志矣 傳移公之言也恒於斯言常在此死生交代之際也 集說日舅犯重耳舅狐偃字子犯也公子既聞使者 者勉其奔丧反國以謀襲位故言孺子其圖之也此 優然端静持守之貌丧失位也丧不可 久時不可失!

金をしたとう

君義稽額而不拜哭而起起而不私 於哭泣之哀以為君憂父死之謂何或敢有他志以辱 公子重耳對客曰君恵弔亡臣重耳身丧父死不得與 事正是凶祸大事宣可义因此凶禍以為反國之利 其相勉反國之命也 之言以告之子犯犯言當辭而不受可也失位去國 而天下之人孰能解説我為無罪乎此所以不當受 之人無以為實惟仁愛思親乃其實也父死謂是何

Valor I Lider

禮記述註

金万巴尼人三元 子顯以致命於穆公穆公曰仁夫公子重耳夫拾額而 不拜則未為後也故不成拜哭而起則愛父也起而不 位之志辱君義者辱君惠弔之義也不私不再與使 重耳謝其來吊也不得與哭泣之哀言出亡在外 則遠利也 得居丧次也以為君憂者致君憂慮我也他志謂求 者私言也 集說曰公子既聞子犯之言乃出而答客恵弔亡臣 不

帷殯非古也自敬姜之哭穆伯始也 こうしい シェーブ 子重耳 所以謝吊禮之重今公子以未為後故不成拜也爱 顯為飄也丧禮先稍額後拜謂之成拜為後者成拜 註曰穆伯魯大夫季悼子之子公甫靖也敬姜穆伯 是遠利也愛父遠利皆仁者之事故稱之曰仁夫公 父猶言哀痛其父也不私與使者言是無反國之意 集說曰鄭註用國語知使者為公子繁字子糶故讀 禮記述註

金牙巴尼人言 喪禮哀戚之至也節哀順變也君子愈始之者也 復盡愛之道也有禱祠之心馬望反諸幽求諸鬼神之 是不念生我者矣 制 姜文伯歌之母也禮朝夕哭不惟 畫哭以辟嫌惟殯或亦辟嫌表夫之遠色也 漸變而輕減也始猶生也生我者父母也毀而減性 集說曰孝子之哀發於天性之極至豈可止過聖人 禮以節其哀盖順以變之也言順孝子之哀情 流曰敬姜早寡

拜稽額哀戚之至隱也稍額隱之甚也 道也北面求諸幽之義也 愛親之道而禱祠之心猶未忘於復之時也望反諸 稽額言之皆為至痛而稽額則尤其痛之甚者也 求諸鬼神之出者必向北也 坐望其自此而反也思神處此暗北乃幽陰之方故 集說曰隱痛也稽額者以頭觸地無復禮容就拜與 集說曰行禱五祀而不能回其生又為之復是盡其 禮儿述住

飯用米貝弗忍虚也不以食道用美焉爾 金牙匹厂全言 録之矣敬之斯盡其道馬耳 銘明旌也以死者為不可别已故以其旗識之愛之斯 疏云士長三尺大夫五尺諸侯七尺天子九尺若不 上及為重畢則置於重曠而卒塗始樹於建坎之東 不是用飯食之道但用此美潔之物以實之馬爾 集說曰士喪禮銘曰某氏某之枢初置于簷下西階 集說曰實米與貝于死者口中不忍其口之歷也比

重主道也殷主級重馬周主重徹馬 Zalore Liter 之廟五世廟毁乃埋之周人虞而作主則徹重而 非主而有主之道故曰主道也殷禮始獨時置重于 之而盡其道曰爱曰敬非歷文也 命之士則以緇長半幅輕末長終幅廣三寸半幅 殯廟之庭監成虞主則綴此重而懸於新死者所殯 尺也終幅二尺也是總長三尺夫愛之而録其名敬 集說曰禮註云士重木長三尺始死作重以依神 禮記建註 雖

盡馬爾豈知神之所饗亦以主人有齊敬之心也 莫以素器以生者有哀素之心也唯祭祀之禮主人自 全工里是 敬 於 祭名其時無尸與置於地故謂之英因用素表孝子 於祖廟門外之道左也練時作栗主則虞主亦埋之 北牖下 祖廟門外之道左一說埋於壁雨楹間一說埋於 則以飾禮由人心而已 曰哀素言哀痛無飾也凡物無飾曰素哀則以素 とった 疏曰 英謂始死 至葵時

辟踊哀之至也有莫為之節文也 **恋** 哀素遂論屢及卒哭練祥之祭皆主人自盡致考養 跳為一節士三日有三次踊大夫四日五踊諸侯六 疏 上下所論皆是喪事 之道馬爾豈知神之所饗須設此祭所以設之者亦 以主人有齊敬之心若親存然知非尋常言祭者以 傷其性故有算以為之準節每一 口無心為辟跳躍為踊是哀痛之至極若不裁限 确三跳三踊 九

からして これっ

禮記述註

<u>물</u>

:

了一里上 袒括髮變也愠哀之變也去飾去美也袒括髮去飾之 甚也有所袒有所襲哀之節也 去其尋常吉時之服飾是去其華美也去飾雖多端 日七踊天子八日九踊敌云為之節文也 之限節也 既曰袒衣括髮形貌之變也悲哀愠恚哀情之變也 袒而括髮又去飾之中最甚者也孝子悲哀理應 袒何以有袒時有襲時盖良甚則袒哀輕則襲哀

弁經葛而葵與神交之道也有敬心馬周人弁而葵殷 人冔而葵 素禮同也 葵不敢以純山之服交神者示敬也故曰有敬心馬 然、 註 葛連弁 曰接神之道不可以純山周弁殷母俱象祭冠 以絹素為弁如爵弁之制以葛為環経在首以 托體地中則當以禮敬之心接於山川之神也於 絰 則 集說曰居丧時冠服皆純凶至冀而吾 要帶猶 禮之走主 用麻也 十四 送

歡主人主婦室老為其病也君命食之也 反哭升堂反諸其所作也主婦入于室反諸其所養也 若士喪君不命也喪大記言主婦食流食謂既殯之 之家贵者為其敏弱病因之故君必命之食疏飯也 疏 集說 曰此堂與室昏謂廟中也卒室而歸乃反哭於 後此主婦敬者謂未殯前 無則主人之妻也室老家之長相此三者並是大夫 曰親丧歐粥之時主人亡者之子主婦亡者之妻

金好巴尼人言

殷既封而弔周反哭而弔孔子曰殷已慈吾從周 Carton Line 反哭之吊也哀之至也反而亡馬失之矣於是為甚 復見矣哀痛於是為甚也賓吊畢而出主人送於門 外遊適殯宮即先時所獨正寢之堂也 陷口如之何主人拜稽顧當此之時亡矣失矣不可 疏曰此吊亦謂在廟也 婚所行禮之處也所養者親所饋食供養之處也 祖廟其二廟者則先祖後編所作者親平生祭祀冠 _ 禮記述註 集說回賓之吊者升自西

金牙口屋人三 葵於孔方北首三代之達禮也之幽之故也 盡故欲從周也 為尤甚也故事於墓者不如事於家者之情文為燕 固為可哀不若求親於平生居止之所而不得其哀 集說曰殷之禮室軍賓就墓所用主人周禮則俟主 集說曰北方國之北也殯猶南首未忍以鬼神待其 人反哭而後弔孔子謂殷禮大質慰者盖親之在土 也葵則終死事矣故葵而北首三代通用此禮也 表

既封主人贈而祝宿虞尸 祭之於殯宮以安之也男男尸女女尸尸之為言主 南方昭明北方坐暗之坐釋所以北首之義 尸矣宿讀為肅進也虞猶安也葵畢迎精而反日中 比玄纁贈死者於墓之野此時祝先歸而肅虞祭之 集說曰柩行至城門公使宰夫贈玄纁東既定則用 也不見觀之形容心 服所以使孝子之心主於此也禪祭以前男女異, 無所係故立尸而使之著死者

たんしつ エンコラ 一大

遭犯进往

金グロル 既反哭主人與有司視虞牲有司以几筵舍奠於墓左 反日中而虞 尸異几祭於廟則無女尸而几亦同矣少牢禮云某 置此祭饌也墓道向南以東為左待此有司之反即 禮 集就曰士之禮虞姓特及几所以依 妲配是男女共尸 也席數陳曰筵孝子先反而視性 地神為親之托體於此也合讀為釋真者置也釋 7 别令有司釋莫以 神筵坐神之席

葵日属弗忍一日 離也 是日也以虞易真卒哭日成事 哭曰成事者虞後卒哭而祭祝辭曰哀薦成事也祭 丧真也比日以虞祭代去丧莫故曰以虞易真也卒 於日中時虞祭也 以告為成虞祭尚凶祭禮未成今既卒無時之哭唯 註曰弗忍其無所歸 集說曰始死小飲大飲朝夕朔月朝祖贈遣之類皆

ころういいとこと

堂記述註

さ

食气也压力 是日也以吉祭易丧祭明日科于祖父 其祖父以當遷他廟而告新死者以當入此廟也禮 後敌云以吉祭易丧祭也耐之為言附也稍祭者告 有朝夕二哭漸就於告也 則奉新主入祖之廟而拜告之曰適爾皇祖某甫以 于新主口哀子某來日隨附爾于爾皇祖某南及時 集說曰吉祭卒哭之祭也丧祭虞祭也卒哭在屢之 时日 以其班 祔 明 Ħ 者卒哭之次日也卒哭時告

其變而之吉祭也比至於科必於是日也接不忍一日 末有所歸也 17.10m LAIMIN 禮 齊科爾孫某甫孫必科祖者昭穆之位同所謂以其 集說回上文所言皆據正禮此言變者以其變易常 Ð 後奉新主入廟也虞祭問一 班 也所以有變者以有他故未及葵期而即葵也喪 也畢事虞主復于寝三年丧畢遇四時之吉祭而 禮記述註 日而卒哭與祔則不 間

金万七丁二言 殷練而科周平而科孔子善殷 言速葵速虞之後卒哭之前其日尚赊不可無祭之 徃 服 者後去卒哭雖遠其間不復祭 孝子不忍使其親一日 Ð Ħ 而 也 則 小記云赴葵者赴虞三月而後卒哭彼據士禮 虞社至吉祭其禮 庚日三虞也此後遇 連接其祭若丁日葵則巳日再虞後虞改用 . 患 無所依歸也其依時葵及虞 如 何 刚日則 口虞後比至於 祭至科 而後止此 袝 遇 刚门 而 剛门

君臨臣丧以巫祝桃朔執戈惡之也 所以異於生也喪有死之道馬先王之所難言也 坡 **茗可埽不祥** 知 而 註曰為有凶邪之氣在側君聞大夫之喪去樂卒事 註曰期而神之人情 故 往未襲也其已襲則止巫去桃朔桃鬼所惡朔往 謂註解異於生句曰生人無凶邪則死有鬼氣 回丧有死之道也坡當侍至親疾邪氣因哀而 可

ていりる ハニ

盤巴赴往

九九

金厂工匠人三 喪之朝也順死者之孝心也其哀離其室也故至於祖 考之廟而後行殷朝而殯於祖周朝而遂葵 被其邪以安其情則生死俱順矣 有不可得而惡者故曰先王之所難言也惟制 朝 至悽愴流露實亦可惡然或情之哀切或義之當然 哀其達離寝處之居而永棄泉壤之下亦欲至祖考 祖固為順死者之孝心然求之死者之心亦必自 說曰子之事親出处告反必面今將葵而奉极以 卷四 禮以

哀哉死者而用生者之器也不殆於用殉乎哉 孔子謂為明器者知丧道矣備物而不可用也 22.5. 廟也 即 註曰神與人異道則不相傷 始 集說曰此孔子非殷人用祭器從葵以人從死曰 之廟而訣别也殷尚質敬鬼神而遠之故大飲之後 奉枢朝祖而遂殯於廟周人則殯於寢及葵則朝 幾也用其器則近於用人 聖記述生 Í 殉

金万四月全 孔子謂為芻靈者善謂為俑者不仁不殆於用人乎哉 其曰明器神明之也塗車獨靈自古有之明器之道也 畧 泥為車也東草為人形以為死者之從達謂之勢靈 末流必有以人殉葵者 俑 集說曰謂之明器者是以神明之道待之也蓬車以 能踊 則 似人形而已亦明 有 面目機 跳战名之曰俑 發而太似人矣故礼子惡其不仁 寒四 器之類也中古為木偶人謂之 趙氏曰以木人送葵設機 知

進人以禮退人以禮故有舊君反服之禮也今之君子 進人若将加諸縣退人若將隊諸淵母為我首不亦善 悼公之丧季昭子問於孟敬子曰為君何食敬子曰食 乎又何反服之禮之有 章意似隊諸淵言置之死地也或首為冠亂之首也 東章孟子言三有禮則為之服冠誓何服之有與此 集說口移公魯君哀公之自孫為舊君服見儀禮齊

NA Desirat Like 1 7

禮記述註

移公問於子思曰為舊君反服古與子思曰古之君子

金好せてんるっこ 則吾能毋乃使人疑夫不以情居齊者乎哉我則食食 粥天下之達禮也 吾三臣者之不能居公室也四方莫不聞矣勉而為瘠 子武伯之子名徒 集說曰悼公魯哀公之子昭子康子之自孫名强敬 强 **家不能居公室而以臣禮事君者四方皆知之矣勉** 集說曰三臣仲孫叔孫季孫之三家也敬予言我三 食粥而為毀瘠之貌我雖能之然豈不使人疑我

諸夫子主人未改服則不經 馬主人既小飯子游出経反哭子夏曰聞之也與曰聞 衛司徒敬子死子夏弔馬主人未小斂經而往子游弔 Alabe to line 非以哀戚之真情而處此齊乎不若違禮而食食也 經 可謂小人之無忌憚者矣 疏曰 鄭知是朋友者凡弗者主人成服則客乃服形 今此隨主人始小敏未成服而已便出著经故 應氏曰季子之問有君子補過之心而孟氏之對 禮記过註 Ī

金好口店在書 自子口晏子可謂知禮也已恭敬之有馬有岩曰晏子 弔 後主人未小飲則未改版故形者不經子夏經而 絰 有網之思隨主人變如五服親也雖不云帶凡單言 狐裘三十年遣車一乘及墓而反 集說回晏子齊大夫自子稱其知禮謂禮以恭敬為 反哭之則中於禮矣 非也其時子游亦吊俟其小斂後改服乃出而 則 知有帶 集說曰司徒以官為氏也公子許之 长四 徃 加

をいうこうころ 國君七个遣車七乘大夫五个遣車五乘晏子馬知禮 士少年个謂所包遣真性體之數也凡包牲皆取下 子之士三乘諸侯之士無遣車也大夫以上皆太牢 集說回遣車之數天子九乘諸侯七乘大夫五乘天 儉而失禮者也 送賓等禮晏子室於即還儉於賓也此三者暗以其 易是儉於已也遺車一乘低其親也禮定後有拜賓 本也有若之言則曰孤裘贵在輕新乃三十年而不 禮記述註

曾子 則示之以禮 體每一 段凡七包天子分為二十七段凡九包每遣車一 體 分為十五段三段為 則 牲 其肉少 載一 口國無道君子 則六體分為三个太牢三姓則 姓取三體前腔 包也盖尊者所取三體其內多甲者雖取 **恥盈禮馬國奢則示之以儉國儉** 包凡五包諸侯分為二十一 折 取臂 臑 狻 九體大夫九體 脛 折 取 骼少牢 乘 Ξ

くとした

台門も

表

展日司徒敬子之丧夫子相男子西鄉婦人東鄉 國昭子之母死問於子張曰葵及墓男子婦人安位子 でんいない しんはい 人從男子皆西鄉 曰噫毋曰我丧也斯沾爾專之賓為賓馬主為主馬婦 賓在眾主人之南女 賓在眾婦之南禮也 夫子孔子也主人家男子皆西向婦人皆東向而男 註曰時齊方奢嬌之是也 集說回國的子齊大夫 莫其母以子張相禮故問之 禮記述註 Ť

豫伯之丧敬姜畫哭文伯之丧畫夜哭孔子曰知禮矣 事使賓自為賓主自為主可也於是昭子家婦人既 祝 位 曰 號言我 為大夫齊之顯家今行喪禮人必盡來 集說曰昭子聞子張之言歎息而止之斯盡也沾讀 當有 而東鄉矣徒辨賓主不别 男子同居主位而 說回哭夫以禮哭子以情中節美故孔子美之 PIT 更改 以示人宜宜一循舊禮爾當專主其 西 绑 而 男女此 女賓亦與男賓同居 記禮之變 賓 觇

金牙口匠

矣夫 未有出涕者而内人皆行哭失聲斯子也必多曠於禮 将為賢人也吾未當以就公室今及其死也朋友諸臣 文伯之丧敬姜據其牀而不哭曰昔者吾有斯子也吾 TO. TOTAL STANCE 故歎恨之 為賢人必知禮矣故凡我平日出入公室未嘗與俱 而 註曰季氏魯之宗鄉敬姜有會見之禮 觀其所行盖信其賢而知禮也至死而覺其曠禮 禮記述註 Ī 集說曰以

金け、ひゃんとこと 夫丧之踊也予欲去之久矣情在於斯其是也夫 将有四方之賓來褻衣何為陳於斯命徹之 李康子之母死陳亵衣敬姜曰婦人不飾不敢見舅姑 有子與子游立見孺子慕者有子謂子游曰予壹不知 壹者專一之義猶常也我父欲除去之矣今見孺子 註曰言四方之賓嚴於勇姑敬姜康子從祖母 之號慕若此則哀情之在於此踊亦如此獨子之墓 集說曰有子言喪禮之有踊我常不知其何為而

我狄之道也禮道則不然 子游曰禮有微情者有以故與物者有直情而徑行者 たこうint と・・・ーマ 不及情也故為之與起哀經之物使之睹服思哀故 曰有以故與物者此二者皆制禮者酌人情而為 金而及之應 賢者之過於情也故立為哭踊之節 也夫 集說曰子游言先王制禮使賢者俯而就之不肖者 殺其情故曰禮有微情者微猶殺也慮不肖者之 禮包述生 主 妎

金牙巴尼人言 斯數數斯群群斯爾矣品節斯斯之謂禮 人喜則斯陷陷斯啄啄斯猶猶斯舞舞斯愠愠斯戚戚 悦 是我狄之道美中國禮義之道則不如是也 疏 也 若直肆已情徑率行之或哀或不哀漫無制節 日喜者外境會心之謂斯語助也陶謂鬱陶心 建心之謂愠凡喜怒 漸 而未暢之意鬱陶之情 至動搖身體乃至起舞足蹈手楊樂之極也 卷四 桕 對哀樂相生若舞無節形 暢則口歌咏之也咏歌不 外 初 则

밁 品 也 觸 曲 疲厭倦事與心達所以怒生愠怒之生由於舞極 相 節 階 故夷狄無禮 ت 對 禮云樂不可極也此凡九句首末各四句是哀 泄遂至撫心 情悉之餘轉為憂戚憂戚轉深因發歎息歎恨 此二奎 格 中 也節 間 舞斯愠 制 使 断也 躏 朝殯夕歌童 撫心 舞有 世巴圭圭 不泄乃至跳 句 熊氏曰此一節 数 是哀樂 則能人長故云斯之謂 兜任情修 相 踊奮擊亦哀之 生 愠 啼 PIT 斯戚者怒來 謂 数笑今 + 禮 有 岩 極 榝 禮

多定正耳生書 始死脯醢之真將行遣而行之既葵而食之未有見其 為使人勿惡也 人死斯惡之矣無能也斯倍之矣是故制絞象設萋翠 情者此也 禮之時人多如 其棺則不見死者之可惡矣萋周禮作柳 止為使人勿惡勿倍而已絞食以飾其體萋萋以飾 集說曰以其死而惡之以其無能而倍之恐太古無 此於是推原聖人所以制禮之初意

響之者也自上世以來未之有舍也為使人勿倍也故 子之所刺於禮者亦非禮之訾也 為禮之疵病也 之思自不能已矣宣復有倍之之意乎先王制禮其 世制禮以來未聞有舍而不為者為此則報本反始 遣既英則有虞祭之食何當見死者享之乎然自上 深意盖如此今子刺丧之漏而敬去之者亦不足以 集說曰始死即為脯醢之莫將莫則有包裹牲體之 熊氏曰此二節言禮之以故與物 禮記建註

金万世屋人三章 師也者則謂之何 行人儀曰是夫也多言盍當問馬師必有名人之稱斯 吳侵陳斬祀殺厲師還出竟陳大军嚭使於師夫差謂 是夫猶言此人指點也多言猶能言也盡何不也當 殺屬殺疫病之人也大军行人皆官名夫差具子 武也師必有名者言出師伐人必得彼國之罪以顯 集說曰魯哀公元年吳師侵陳斬祀伐祠祀之木 也 名

名乎 大宰嚭曰古之侵伐者不斬祀不殺厲不獲二毛今斯 師也殺属與其不謂之殺属之師與曰反爾地歸爾子 則謂之何曰君王討散邑之罪又於而赦之師與有無 Charle Lides 名乎與是語辭此言豁善於解令故能教败亡之禍 署之地縱其俘獲之民是於而赦之矣師直有無善 集說曰二毛斑白之人也子謂所獲臣民也還其侵 我出師之名也今衆人稱我此師謂之何名乎 重記述註 支

如有從而弗及既葵慨馬如不及其反而息 顏丁善居丧始死皇皇馬如有求而弗得及殯望望馬 息猶待也不忍決忘其親猶且行且止以待其親之 貌慨感恨之意始死形可見也既殯柩可見也葵則 反也盖獒者往而不反然孝子於迎精而反之時猶 無所見矣如有從而弗及似有可及之處也葵後則 集說曰顏丁魯人皇皇猶栖栖也望望往而不顧之 復如有所從矣故但言如不及其反义云而息者

子張問曰書云高宗三年不言言乃謹有諸仲尼曰胡 飲斯又酌曰調飲斯又酌堂上北面坐飲之降超而出 知悼子卒未葵平公飲酒師曠李調侍鼓鐘杜蒉自外 為其不然也古者天子崩王世子聽於冢军三年 來聞鐘聲口安在回在寝杜普入寝歷陷而升酌曰曠 如有所疑也 集說曰知悼子晉大夫名盈平公晉侯彪也凡三酌 集說曰言乃雜者命令所布人心喜悦也 祖記述註

金定四层全書 大美曠也大師也不以記是以飲之也 平公呼而進之曰黃曩者爾心或開子是以不與爾言 爾飲曠何也日子卯不樂知悼子在堂斯其為子外也 我是以不先與爾言乃三酌之後竟不言而出爾之 飲曠何說也黃言榮以乙卯日死約以甲子日死謂 集說曰言爾之初入我 意爾必有所諫教開發於我 既罸二子又自罰也 疾日故君不舉樂在堂在殯也況君於鄉大夫比

疾是以飮之也 20 10 . Jun 17 爾飲何也曰黃也宰夫也非刀七是共又敢與知防是 爾飲調何也曰調也君之褻臣也為一飲一食忘君之 禮之疾故罰之也 乎禁紂異代之君悼子同體之臣故以為大於子卯 葵不食肉儿卒哭不舉樂悼子在殯而可作樂熊飲 集說曰言調為近習之臣貪於一飲一食而忘君違 也韶告也罰其不告之罪也 禮记述註 圭

以飲之也 金分四库全書 謂侍者曰如我死則必母廢斯爵也至于今既畢獻 平公曰寡人亦有過馬酌而飲寡人杜蕢洗而揚解公 揚解謂之杜舉 之職而敢與知諫爭防附之事是侵官矣故自罰 集說回 集說曰揚 知其過既命責以酌又欲以此爵為後世戒故記者 兆 猶不也军夫職在刀七令乃不專供刀七 解舉解也監洗而後舉致潔敬也平公自 发四 b 斯

所以易其名者 君曰昔者衛國凶饑夫子為粥與國之餓者是不亦恵 公叔文子卒其子戌請諡於君曰日月有時将葵矣請 葵有時猶言有數也死則諱其名故為之諡所以 集說曰文子衛大夫名族君靈公也大夫士三月而 此解乃昔者杜黃所舉也春秋傅作杜蒯文亦不同 其名也

云至今晉國行熊禮之終必舉此解謂之杜舉者言

CANDOM' MICHAL

拉記述技

į

金ケセンとでき 聽衛國之政修其班制以與四鄰交衛國之社稷不辱 乎昔者衛國有難夫子以其死衛寡人不亦貞乎夫子 不亦文乎故謂夫子貞恵文子 寡之節因舊典而修舉之也據先後則惠在前論小 大則員為重故不曰息貞而曰貞恵也此三字為諡 亂公如死鳥此衛國之難也班者專軍之次制者多 集說回魯昭公二十年盗殺衛侯之兄黎時感豹作 而惟稱文子者鄭云文足以兼之

陳子車死於衛其妻與其家大夫謀以殉葵定而后陳 為有知也 佩王則兆五人者皆沐浴佩玉石祁子曰孰有執親之 石點仲卒無適子有庶子六人卜所以為後者曰沐浴 喪而沐浴佩王者乎不沐浴佩王石祁子兆衛人以龜 吉也 集說回點伸衛大夫曰沐浴佩玉則兆卜人之言也 方氏曰北亦有凶卜者以求吾為主故經以北言

CANDIAN LILLING

禮記述註

Ī

子亢曰以殉矣非禮也雖然則彼疾當養者孰若妻與 子亢至以告曰夫子疾莫養於下請以殉葵 於是弗果用 军得已則吾欲已不得已則吾欲以二子者之為之也 集說日军即家大夫也二子謂妻與军也子亢若但 殉英定謂已議定所殺之人也 也不稱死而稱疾諱之也下地下也於是欲殺人以 集說曰子車齊大夫子亢其兄弟即孔子弟子子禽

金安巴及人

吸放飲水盡其散斯之謂孝飯首足形還葵而無椁稱 文記日言人は断り 子路口傷哉貧也生無以為養死無以為禮也孔子曰 其財斯之謂禮 養而不能歡者亦有厚其以為觀美而不知陷於僭 盡其散使親盡其散樂也 言非禮未必能止之今以當養者為當殉則不期其 疏曰以殺為粥以常啜之飲水更無餘物以水而 止而自止矣 禮記述註 集說回世固有三姓之 詿

日如皆守社稷則孰執羈對而從如皆從則孰守社稷 衛獻公出奔反於衛及郊將班邑於從者而后入柳莊 君反其國而有私也毋乃不可乎弗果班 とうてん 所 禮之罪者知此 國 貧 乎 還葵 説見上篇 不當獨賞從者以示私思 どく 就回獻公以魯襄十四年奔齊二十六年歸 絡馬勒所以輕馬莊之意謂居者行者均之為 則孝與禮可得而盡矣又何必傷其 氡 衛羁

衛有大史曰柳莊寝疾公曰若疾革雖當祭必告公再 臣也聞之死請往不釋服而往遂以碰之與之邑表氏 The Dorot Read 19/ 與縣潘氏書而納諸棺曰世世萬子孫毋變也 拜精首請於尸曰有臣柳莊也者非寡人之臣社稷之 遂不釋祭服而往因釋以發之又賜之二邑此雖 謂莊之後世也莊之疾公嘗命其家若當疾亟之時 我雖在祭事亦必入告及其死也果當公行事之際 集說回以衣服贈死者曰碰表縣潘二邑名萬子孫 禮記,注註 蓋 見

非禮也況又同棺乎弗果殺 大為我棺使吾二婢子夾我陳乾昔死其子曰以殉葵 陳乾昔寝疾屬其兄弟而命其子尊已曰如我死則必 金少世人心言 仲遂卒于垂壬午猶繹萬入去籥仲尼曰非禮也卿之 碰大夫書封邑之券 而納諸棺旨非禮矣 國 善尊已守正而不從其父之亂命 集說曰屬如周禮屬民讀法之屬猶合也聚也記者 君尊賢之意然棄祭事而不終以諸侯之命服而 忠

不繹

繹 舞也篇舞吹篇以舞也萬入去篇者言此繹然時以 名祭宗廟之明日又設祭禮以尋繹昨日之祭謂之 集說曰仲遂魯莊公子東門襄仲也為魯卿垂齊此 遂之卒但用無聲之干舞以入去有聲之篇舞而 殷謂之形言壬午則正祭年已日也萬舞執干以

季康子之母死公輸若方小飲般請以機封將從之公 不用也

東空車至雪

旗記述社

肩假曰不可夫魯有初 つりをア 公室視豐碑三家視桓楹 於存也 棺 代 集 視 註 之而 不用 誑 者比擬之解豐碑斷大木為之形如石碑於存前 E 視量碑 四公輸氏若名為匠師方小年尚幻也飲小 般 武用其巧技也機定謂以 碑與绛也魯有初言魯國自有故事也 若之族素多技巧見若掌啟事而年 僭天子也 視, 桓 楹惛 機 諸 關轉動之器 侯 疏 曰凡 红刀 喜 欲 棺

累椁 載 頭 鹿盧鹿屬兩頭各入碑木以綿之一頭繁棺緘以 之葵掘地以為方擴漢書謂之方中又方中之內先 後及兩旁樹之穿鑿去碑中之木令使空於空間 上而下棺入於椁之中於此之時用碑綿也桓 行而下之天子六 繞鹿盧既記而人各背碑負紼末頭聽鼓聲以 以龍輔從美道而入至方中乃屬綿於棺之級 於其方中南畔為美道以屋車載枢至擴說 紼四碑 前後各重鹿盧凡天子 楹 從 浙: 不 而 者

大田田田 一日

禮記述註

Ī

般爾以人之母當巧則豈不得以其毋以當巧者乎則 金石したとう 病者乎噫弗果從 而 也如今之橋旁表柱也諸侯四緑二碑兩柱為一 誰有强逼於爾而為此乎豈不得休己者哉母無也 不得粗大士二年無碑 似碑形如大楹耳通而言之亦曰碑説文桓郵亭表 疏口害武也以已字言爾欲以人 母嘗武已之巧事 施鹿盧故註云四植也大夫二年亦二碑但柱 形 碑

之雖重也君子不能為謀也士弗能死也不可我則既 戰于郎公叔禺人遇負杖入保者息曰使之雖病也任 Marine Little 1 廢其當用之禮則亦豈不得自以已母武巧而不用 是衆人遂止 禮乎則於爾心亦有所病而不安乎盖使之反求諸 心以已度人而知其不可也 不得當巧豈於爾有所病假言畢乃更噫而傷歎於 又語之云其毋以人母嘗試已巧則於爾病者乎言 集說回一說言爾以他人母武巧而 禮記述註

於仲尼仲尼曰能執干戈以衛社稷雖欲勿獨也不亦 金罗匹尼人言言 言矣與其鄰重汪蹄往皆死馬魯人欲勿殤重汪時問 可乎 集說 子公為也遇魯人之避齊師将入保疲倦加其杖 役之煩雖不能堪也稅飲之數雖過於厚也若上之 人協心以樂冠難 兩手掖之休息者保縣邑小城馬人乃數之曰徭 日戰于郎魯袁公十一年齊伐魯也馬人的 猶可塞責也今卿大夫不能畫謀 頸

謂子路曰何以處我子路曰吾聞之也過墓則式過祀 于墓而后行反其國不哭展墓而入 子路去魯謂顏淵曰何以贈我曰吾聞之也去國則哭 註 童子汪琦者皆往關而死於敵魯人以踦有成人之 行欲以成人之丧禮葬之而孔子善其權禮之當也 策士不能捐身以死難豈人臣事君之道哉甚不可 也我既出此言矣可不思踐吾言乎於是與其鄰之 曰無君事主於孝哭哀去也展省視之

シアフューノンン

禮記述註

則下 曰王事也子手弓而可手弓子射諸射之斃一人報弓 工尹商陽與陳棄疾追吳師及之陳棄疾謂工尹商陽 又及謂之又斃二人每斃一人揜其目止其御曰朝不 坐熊不與殺三人亦足以反命矣孔子曰殺人之中 シラモア 恭敬故或式或下也他墳尚式則已祖先墳墓當下 派 也 口墓謂他家墳祀謂神位有屋樹者居無事主於 とすも 表

有禮馬 Man Line 立 常戰士若是元帥 在 西 堂是也升堂則坐矣熊亦在寢熊禮獻卿大夫之後 疏 在右若天子諸侯親將亦居鼓下若非元即則告 陷上獻士無升堂之文是士立於下也鄭 若無朝在於路寢則大夫坐於上如孔子攝齊升 回朝與燕皆在寢若路門外正朝則大夫以下皆 左戈盾在 右御在中央謂兵車參乘之法此謂 则 在中央鼓下御者在左戈盾 禮記述註 7 註 射 亦 古 凡

勻 之心馬商 楚官名追吳師事在魯昭公十二年子手弓而可為 左 其縱殺之心是仁意與禮節並行非事君之禮止於 之再告之也掩目而不忍視之御 調其有禮以 使 御者在中若非兵車則尊者在左 特取其善於追敗者亦非謂臨敵未決而不 之執弓也手弓商陽之方在手也報弓衣也謂 陽自言位軍 敗北之師本易窮而商陽乃能節 禮簿如此亦可以稱塞矣 而 不 忍驅 集説 有 口工尹 剆 孔 制 隱

生だりせんとう

I CONTRACT TO MANAGEMENT OF THE 諸侯伐秦曹桓公卒于會諸侯請含使之襲 襄公朝于荆康王卒荆人口必請襲鲁人曰非禮也荆 强之巫先拂枢荆人悔之 殺人也 之誤也含者以朋友有相啖食之道襲賤者之事諸 侯從之不知禮也 疏曰荆王以二十八年十二月死至明年正月則殯 集說曰曹伯之卒魯成公十三年也盧諡宣言桓聲 禮記述註

滕成公之丧 使子 叔敬叔吊 進書子服惠伯為介及郊 為懿伯之忌不入惠伯曰政也不可以叔父之私不将 楚之本號魯僖公元年始稱楚魯襄公以二十八年 非 已久云襲者謂加衣於殯非為尸加衣 之而悔已無及矣此其適權變之宜足以雪恥 楚適遭楚子的之丧請襲欲使襄公衣之魯人知 禮而不能達於是以君臨臣丧之禮先之及其覺 患四 集說口 荆

為 权 郊 奉 後言忌可見是及郊 懿 集說曰滕成公之丧在魯的公之三年敬权宣公 伯 敬 進魯君之吊 肸之曾孫叔号也惠伯慶父元孫之子名椒 遇 权 是 懿 攵 权是桓公七世 敬 懿伯 伯之忌此作為二字 叔 從 則惠伯之叔父而敬叔之五從祖 袓 書也介副 適 孫惠伯是六世孫敬 及 方遇忌也或者忌字只是忌日 豐已起主 滕 也 郊 雖 而遇 異而皆先言及 劉氏曰案左傅 此日故欲 当 权稱惠伯 緩 進書 郊 於 云 至 弟 及 世 汣 而

新定四库全書 曾子曰蕢尚不如祀梁之妻之知禮也齊莊公襲莒于 哀公使人吊醬尚遇諸道辟於路畫宮而受吊馬 畫宫室之位而受弔也 闕之可也 先入而叔方亦遂入馬此說固可通然亦未知然否 日乃入故恵伯以禮曉之曰公事有公利無私忌乃 集說回哀公魯君辟於路辟讀為聞謂除闢道路以 **杞梁死馬其妻迎其柩於路而哭之哀** 氡

唇命 而妻妾執君之臣免於罪則有先人之敬廬在君無所 莊公使人吊之對曰君之臣不免於罪則將肆諸市朝 兑 之随且于莒邑名隧狹路也鄭云或為兑故讀奪為 集說曰魯裹公二十三年齊侯襲莒襲者以輕兵掩 集說曰肆陳尸也妻妾執拘執其妻妾也左傳言齊 其不備而及之也左傳言把植華還載甲夜入且于 梁即植以戰死故妻迎其枢 禮記述註 里

情為榆沈故設檢三臣者廢輔而設檢竊禮之不中者 金定四庫全言 之三臣猶設之顏柳曰天子龍輔而存轉諸侯輔而 孺子賴之丧哀公欲設撥問於有若有若曰其可也 也而君何學馬 集説 魯之三家也 侯弔諸室 **棒情者累材作椁而** 曰賴哀公之少子檢 頹 柳 言天子之獨用輔車 卷四 可松 題凑其木情獲棺 5] 輔車 所 載柩而 謂 上而 紼三臣 畫 設

悼公之母死哀公為之齊哀有若曰為妄齊哀禮與公 NAJONA JIL 曰吾得已乎哉魯人以妻我 家廢 註曰哀公之妄言國人皆名之為我妻重服嬖妾文 上以幬之不為題奏直横木覆之亦泥其上榆流以 刑 水浸榆白皮之汁以 **塗之諸侯則以** 之實者也 輸不用而猶設撥是徒有竊禮之罪而非有中 **輔載柩不畫龍亦累木為椁設木於** 堂記是生 播地取其引車不法帶也今三 8+8

多定匹厚在言 也買道而葵後難繼也 孟氏不以是罪予朋友不以是棄予以吾為邑長於斯 李子母葵其妻犯人之未申詳以告曰請庚之子卑曰 為東之事觀之賢可知矣此莫妻犯未亦為成字時 柴也愚觀家語所稱及此經所記泣血三年及成人 劉氏口季子奉孔子弟子高柴也庾償也夫子當曰 為貴妾怨 過非也 孤 口天子諸侯絕旁期於妾無服惟大夫

仕而未有禄者君有饋馬曰獻使馬曰寡君違而君薨 端 子鼻從而庾之後有莫者不必犯禾奸民必妄指他 矣 是棄予者以犯禾之失小而買道之害大也何也以 事有無固不可知然曰孟氏不以是罪予朋友不以 我為邑军尚買道而莫則後必為例而難乎為繼者 小不忍者是也閱世變乃知前人之遠 阻之買道且曰邑宰尚然此俗可以數世不弭 披謂記此者以其識大體也大都民不可逞果

NATIONAL PRANT

建記述註

草

金牙匹尼在電 弗為服也 **虞而立尸有几筵** 廪 集說曰未葵之前事以生者之禮葵則親形已藏故 方氏曰其曰違則居其國之時固服之矣 此 事皆與羣臣同獨違離之後而君薨則不為舊君服 集說曰王制云位定然後禄之此蓋初試為士未賦 禄者有饋於君則稱獻出使他國則稱寡君此二 則與羣臣異所以然者以其未當食君之禄也 惠

クララミ 至于庫門 既卒哭宰夫執木鐸以命于宫日会故而諱新自寝門 卒哭而諱生事畢而思事始已 集說曰周禮大喪小喪軍夫掌其戒令故卒哭後使 始矣己語辭 無凡此時則設几與筵相配也 虞祭則立尸以象神也 筵席也大飲之真雖有席而 集說日卒哭而諱其名盖事生之禮己畢事鬼之事 世紀走汪

金发四层在言 軍有憂則素服哭于庫門之外赴車不載素報 在 二名不偏諱夫子之母名徵在言在不稱徵言徵不稱 集說曰二名二字為名也此記避諱之禮 門路門庫門是魯之外門也 舍禧諱而諱新死者之名也以其親盡故可不諱寢 于庫門故謂高祖之父當遷者諱多則 軍夫執木鐸振之以命令于宫中又出宫從寢門至 難避故使之

有焚其先人之室則三日哭故曰新宫火亦三日哭 廟也魯成公三年焚宣公之廟神主初入故曰新宫 註口哭者哀精神之有虧傷 於國之車凡告丧回赴車以告敗為名與素服同義 宜矣素服哭以丧禮處之也必於庫門之外者以近 廟也師出受命于祖無功則於祖命辱矣無車告赴 示當報也 集說曰秦甲衣報弓衣甲不入秦弓不入報兵不敢 方氏曰戰勝而還謂之愷則敗為之憂 7 直足走生 集說曰先人之室宗

金好四件全書 使子路問之曰子之哭也壹似重有憂者而曰然昔者 孔子過泰山側有婦人哭於墓者而哀夫子式而聽之 不去也曰無苛政夫子曰小子識之苛政猛於虎也 吾舅死於虎吾夫又死馬今吾子又死馬夫子曰何為 言故口者謂春秋文也 春秋書二月甲子新宫災三日哭註云書其得禮此 疏曰壹者決定之辭 人有周豐也者哀公執擊請見之

信之夏后氏未施敬於民而民敬之何施而得斯於民 公曰我其已夫使人問馬曰有虞氏未施信於民而民 而曰不可 未施敬於民而民敬 也對曰還墓之間未施哀於民而民哀社稷宗廟之中 a da to and from 義 註曰辭君以尊見早士禮先王異爵者請見之則辭 注曰下賢也擊禽擊也諸侯而用禽擊降尊就軍之 改之之往

殷人作誓而民始畔周人作會而民始疑 多定匹丹全言 苟無禮義忠信誠態之心以泣之雖固結之民其不解 逐山皆自有誠信於事善也 K 畔 流 註曰言民見悲哀之處則悲哀見莊敬之處則莊敬 非謂 曰 必有使之者虚毀 減 無後之地 比據身無誠信徒作誓盟民因誓因盟而 殷人始作等周人始作會若敢作甘善禹會 始 雜

無後也 喪不應居毀不危身喪不應居為無廟也毀不危身為 延陵季子適齊於其反也其長子死矣於羸博之問孔 -0/1.) Time /... 苟無是心以泣之則結之雖固民亦解而散矣 熊氏曰禮義 忠信誠態之心 虞夏以之感人者此矣 子謂之無子矣 劉氏曰家廢則宗廟不能以獨存美以死傷生則君 註曰慮居謂賣合宅以奉丧危身謂憔悴将滅性 • 禮記述註 4

金好四百人 高可隱也既封左袒右還其封且號者三日骨肉歸復 其坎深不至於泉其飲以時服既葵而封廣輪於其其 子曰延陵李子吳之習於禮者也往而觀其葵馬 曰延陵季子之於禮也其合矣乎 于土命也若魂氣則無不之也無不之也而遂行孔子 是也 是也季子護國居延陵因號馬贏博齊地今泰山縣 註曰李子名礼魯昭二十七年吳公子礼聘於上國

To be and Joseph 之變右還以示陰之歸骨內之歸土陰之降也魂氣 足以揜坎上則幾至於可隱皆儉制也左袒以示 寒暑所衣也封築土為墳也横口廣直口輪下則僅 集說曰不至於泉謂得淺深之宜也時服隨死時之 有 魂 氣 生之初 以骨肉歸復于土為命者此精氣為物之有盡謂 無不之陽之升也陰陽氣也命者氣之所鍾 則無不之者此遊魂為變之無方也壽天得於 可以言命魂氣散於既死之後不可以 遵記述主 也季 陽 言

金牙匹庫全言 郑婁考公之丧徐君使容臣來弔含曰寡君使容居坐 含進侯王其使容臣以含 字使人由解以得意也讀者詳之 子乃隨時處中之道稱其有無而不盡拘乎禮者也 故宜夫子之善之也然為疑雜而不為決雜者盖李 故夫子不直曰季子之於禮也合矣而不加其乎二 命也再言無不之也者愍傷離決之至情而冀其魂 隨己以歸也不惟適旅矣之節而又且通幽明之 发四

使人弔含贈 授主人主人受之謂之不親 桓公諸侯請合是也大夫歸含如雜記諸侯之丧君 而復興至春秋之後强大僭號君行 含耳 註 親含大夫以上 自 口欲親含非也含不使暖者若行則親含大夫歸 致璧於極及贖上者謂之親含若但致命以璧 疏曰昭二十年 吳滅徐此云徐僭稱王者滅 襚是也九行含禮未斂之前士 即使人含若飲後至殯英有來含者 含 集說曰 則親含如上曹 徐 君使 則] 主人

金灰四厚全書 未之有也 有司曰諸侯之來辱敝邑者易則易于則于易于雜者 含禮也 來而其事簡易則行人臣簡易之禮人君來而其事 集說回都之有司拒之言諸侯之辱來都國者人臣 侯言進侯氏以玉也其使容居以含者容居求即行 使玉於都君侯玉者徐自擬天子以邾君為已之諸 臣容居來用且致含言寡君使我親坐而行含以進

音我先君駒王西討濟於河無所不用斯言也容居魯 容居對日容居聞之事君不敢忘其君亦不敢遺其祖 人不敢忘其祖 此也 廣大則行人君廣大之禮于猶迂也有廣遠之意今 人臣來而欲行人君之禮是易于相雜矣我國未有 集說曰容居又答言事君者不敢忘其君我奉命如 此今不能行是忘吾君也為人子孫當守先世之訓 禮記述註

免灾匹庫全書 子思之母死於衛赴於子思子思哭於廟門人至曰庶 氏之母死何為哭於孔氏之廟乎子思曰吾過矣吾過 當時之借也 其言也此著徐國君臣之僭且明邾有司不能終正 自言其疆土廣大久己行王者之禮也又自言我非 之先君驹王濟河而西討無一處不用此稱王之言 故亦不敢遗吾祖也居盖徐之公族耳且言告者我 許者乃魯鈍之人是以不敢忘吾祖欲邾人之信! 表面

矣遂哭於他室 月天下服 天子崩三日祝先服五日官長服七日國中男女服三 CALTINE LILE 長大夫士亦服杖也服在祝後故五日國中男女謂 為服祝佐含欽先服故先杖也故子亦三日而杖官 故不得哭之於廟 集說曰伯魚卒其妻嫁於衛之庶氏嫁母於廟絕族 **诚曰祝大祝商祝也服服杖也是丧服之数敌呼杖** 植記述註 1

金年口月人 虞人致百祀之木可以為棺椁者斬之不至者廢其祀 者天子七日而殯殯後嗣王成版故民得成版也無 畿内民及庶人在官者服齊東三月而除必待七 士四制言是军之士也 除近者亦不待三月今據遠者為言耳何以知其或 杖三月天下服者謂諸侯之大夫為王總東既葵而 Ħ 服或東服案丧大記及丧服四制云云然四 授士杖此云五日士杖者崔氏云此據朝廷之 制云 E

刎其人 St. I Diet Little 輯屢買買然來點敖左奉食右執飲曰嗟來食揚其目 齊大饑點敖為食於路以待餓者而食之有餓者蒙袂 而視之曰予唯不食嗟來之食以至於斯也從而謝馬 若存則人神均其慶殁則靈祇等其哀傷也 之存者送之也必取祀木者賀陽云君者德著幽顯 **疏曰為王殯後事也百祀者王畿内諸臣采地之祀** 也既殯旬而布材故虞人斬百祀之木可以為周棺 禮記述註 晝

食 **郑婁定公之時有弑其父者有司以告公瞿然失席曰** 終不食而死曽子聞之曰微與其嗟也可去其謝也可 敬 集説 食也從就也微與猶言細故未節謂嗟來之言雖 行蹇也質質垂頭喪氣之貌嗟來食歎関之而使來 寡人之罪也曰寡人嘗學 斷斯獄矣臣弑君凢在官 然亦非大過故其嗟雖可去而謝馬則可食矣 曰蒙袂以 於蒙面也輯優輯 與其足言困憊而 不

金万匹尼人言

其宫而豬馬盖君踰月而后舉爵 者殺無赦子弑父九在宫者殺無赦殺其人壞其室洿 疏 皆得以 臣也在宫者家人也天下之惡無大於此者是以 猪 自貶耳 君 是水聚之名 回在宫諸本或為在官恐與上在官 不舉爵以人倫大變亦教化 誅之無赦之之理惟 集說曰 瞿 然驚 其妻及子 怪之 不 眀 貌在官者 相涉而 孫不可討之 所 致故 誤 傷 少 諸 悼

元の自

211.5

禮記述註

五五

北面再拜稽首君子謂之善頌善禱 哭於斯聚國族於斯是全要領以從先大夫於九京也 馬歌於斯哭於斯聚國族於斯文子曰武也得歌於斯 晉獻文子成室晉大夫發馬張老曰美哉輪馬美哉與 樂也大夫 罪 獻禧 重 口晉卿 腰 斬 説謂晉君獻 祭無樂而 大夫之墓地在九原 罪 輕 頸 刑先大夫文子父祖 之謂賀也然疑獻文二字皆趙 春 秋時或有之也 疏 回歌 也 領 頸 謂祭時 集說 也古者

金欠口尼己言

仲尼之畜狗死使子貢埋之曰吾聞之也敬惟不棄為 埋馬也散益不棄為理狗也邱也貧無盖於其封也亦 予之席毋使其首陷馬 武諡. 張 善於頌武子所答善於禱也 頌者美其事而祝其福禱者祈以免禍也張老之言 老之言輪輪国高大也與與爛衆多也歌祭祀作 也哭死丧哭泣也 如負惠文子之類諸大夫發禮往賀記者因述 聖记王王 聚國族無無國賓聚會宗旅 季 也

金灰四片全書 弗内也曾子與子貢入於其底而修容馬子貢先入閣 人曰鄉者已告矣曾子後入閣人群之 季孫之母死哀公吊馬自子與子貢吊馬閣人為君在 路馬死埋之以惟 集說回狗馬皆有力於人故特示思也 集說回謂君之乘馬死則特以惟理之不用般惟也 集說曰鄉者已告言先已告於主人矣 方氏口魯的公乘馬聖而死以惟裹之

盡飾之道斯其行者遠矣 始不可伐也 涉内雷卿大夫皆辟位公降一等而揖之君子言之曰 陽門之介夫死司城子罕入而哭之哀晉人之現宋者 反報於晉侯曰陽門之介夫死而子罕哭之哀而民說 Ja be Jane 註 集說曰内雷門屋後簷也行者遠猶言感動之大也 日陽門宋國門名介夫甲衛士宋以武公諱司空, 劉氏曰此章可疑 世紀走往 五

金定四度全 孔子聞之曰善哉覘國乎詩云九民有丧扶服救之雖 魯莊公之喪既葵而經不入庫門士大夫既卒哭麻不 **微晉而已天下其孰能當之** 罕得人心可無晉憂而已然天下亦孰能當之甚言 扶服致力之義微無也夫子引詩而言宗國雖以子 集說曰孔子善之以其識治體也詩叫風谷風之篇 人心之足恃也 為司城子军戴公子樂甫術之後樂喜也規閱視也 惠四

所由廢 庫 故 經 集說曰莊公卒子就祇而慶父作亂閏公時年八歲 東亦不入可知士 葛絰 羣臣既虞不服受服至卒哭總除記 麻經 PT 2 タト 入庫 也諸侯弁經萬而葵葵畢問公即 而以吉服 門蓋関 要己尼主 公既吉 大夫則仍麻經直俟卒哭乃不 嗣 位故云经不入庫門也经 服不 與虞與卒哭之 禍亂恐迫禮 除 凶 服 祭 不 於

銀定四庫全書 夫子曰邱聞之親者毋失其為親也故者毋失其為故 卷然夫子為弗剛也者而過之從者曰子未可以已乎 曰久矣予之不託於音也歌曰貍首之斑然執女手之 孔子之故人曰原壤其母死夫子助之沐椁原壤登木 或問朱子原壤登木而歌夫子為弗聞而過之待之 壞之歌乃是大惡若要理會不可但已只得且休 好及其夷侯則以杖叩脛莫太過否曰這說却差

其交故問曰子未當已絕之乎夫子言為親戚 剛 言沐 當 貍 治之椁木而言久矣我之不託與於咏歌之音也 至其夷侯之時不可不教誨故直責之復叩其脛 首之班言木文之華也卷與拳同如執女手之拳 而 如 劉氏曰沐治也原壞母卒夫子助之治 過去以避之從者見其無禮疑夫子必當已絕 **轉之滑膩也壞之廢敗禮法甚矣夫子佯為不** 此若如今說則是不要管他卻 7 皇已艺主 非朋友之道矣 椁壤 者 全已 自 雖 如

動定匹庫全書 與歸 趙文子與叔譽觀乎九原文子曰死者如何作也吾誰 有非禮未可逐失其親戚之情也為故舊者雖有 禮未可處失其故舊之好也此聖人隱惡全交之意 死而其於此者多矣假令可以再生而起吾於衆大 集說曰文子晉大夫名武叔譽叔向也言卿大夫之 誰從乎文子益設此說欲與权向共論前人賢否 非

其知不足稱也 权譽曰其陽處父子文子曰行弃植於晉國不沒其身 其舅犯乎文子曰見利不顧其君其仁不足稱也 不得善終其身是不智也 集說曰處父晉襄公之傅并者兼衆事於已是專權 於外及反國危疑之時當輔之入以定其事乃及河 也植者刚强自立之意所行如此故為孤射姑所殺 集說曰又稱子犯可歸文子言子犯從文公十九年 禮记主達 夲

金 在 在 主 我則隨武子乎利其君不忘其身謀其身不遺其友晉 人謂文子知人 要君求利也宜顧其君之安危哉是不仁也 不忘其自利其君者謂進思盡忠不忘其身者保全 君者多性行偏特不顧其身令武子既能利君又能 而授璧以解此盖為他日高爵厚禄之計故以此言 日武子士會也食色於隨汽字季 母謀其自不道其友者九人謀身多獨善於已遺 疏曰凢人利

文子其中退然如不勝衣其言吶吶然如不出諸其口 其子馬 所舉於晉國管庫之士七十有餘家生不交利死不屬 言武子德行弘廣外內周備 棄故舊今武子既能謀身又能不遺其朋友此二句 不能言者 早怯弱之貌呐呐聲低而語緩也如不出諸其口似 集說回中身也鄉射記曰弓二寸以為侯中退然議

ALE TOUR PRINT

禮記述註

至

金好四月人 末吾禁也退使其妻總裒而環經 仲行以告請總良而環經曰告者吾丧姑姊妹亦如斯 叔仲皮學子柳叔仲皮死其妻魯人也衣哀而緣經 疏 不以其子屬託之廉潔之至 雖 限管庫之士賤職也知其賢而舉之即不遗友之實 集說回管鍵也即今之鎮庫之藏物以管為開閉 曰言叔仲皮教訓其子子柳而子柳猶不知禮 有舉用之思於其人而生則不與之交利将死亦 Ż

首 樛 絰 絰 如 仲 輕 樛 皮死子柳妻雖是魯鈍婦人猶知為舅著齊哀 環 服 FF" 衍 知為 相 亦 告子 絰 謂 禁 繆 又 者一 絰 答云昔者吾丧姑 どく 两 止也子 為 柳 衍 股 股 然乃請 是皮之弟子柳之叔見當時婦人好尚 云 相 交也 汝妻 PÍT 柳得 謂 五 行 何以著非禮 纏 於行令其妻身著總東首 服 絰 此言 也子 之 姊 妺 經皆 退使 柳 亦 之服 其妻者 既受學於父不 悐 如 惟 此 弔 總衰環經 子柳見時皆 總衰 服 環 絰 而 服 肯 洏 不 環 無 環

ていう

ハニューラ

禮記述註

至

金好匹尼在言 子皐為之東 成人曰蠶則續而蟹有匡范則冠而蟬有矮兄則死而 成人有其兄死而不為東者聞子專将為成军遂為東 蟹之有 匡非為 蠶之續也為背而已首之冠者必資 長在腹下 集說曰成魯邑名匡背殼以匡也范峰也緣為蜩喙 輕 粥庶弟之母非是下愚而不知其非禮明當時皆著 細 故也 朱氏曰絲之續者必由乎匡之所盛然 发四

歲早楊公台縣子而問然曰天久不雨吾欲暴危而 得吾情吾惡乎用吾情 樂正子春之母死五日而不食曰吾悔之自吾母而不 為子鼻而已益以上二句喻下句也 情於母則他無所用其實情矣此所以悔也 兄死者必為之服哀然成人之服哀非為兄之死也 集說曰子春曽子弟子嬌為過制之禮而不用其實 綾之所飾然蟬之有矮非為范之冠也為喙而已

ていつい ないかつ

禮記述註

金万世五台 岩 曰天則不雨而暴人之疾予虐毋乃不可與然則吾欲 暴巫而奚若 冀天哀之而雨 集說口巫能接神其神閔之而 集説曰左 則奚若曰天子崩巷市七日诸侯薨巷市三日為之 則不雨而望之愚婦人於以求之毋乃已疏乎徙 傳註云絕者齊病之人其面上向暴之者 ₹<u>'</u> 卷 雨

DAND THE LIMIT 徙市不亦可乎 於巷也此庶人為國之大丧憂成罷市而日用 則亦己疏矣 言而止縣子不能舉其說以 其說 之禮以自責也縣子以其求之己而不求諸人故可 集說曰徒移也言徒市又言巷市者謂徒交易之物 不可 然豈不聞僖公以大旱欲焚巫冠聞藏文仲之 缺故徒市於巷也今旱而欲徒市者行丧君 禮記述註 對穆公而謂徒市為可 空 所 澒

孔子曰衛人之科也離之魯人之科也合之善夫 筑 禮記述註卷四 回府合英也雜之謂以一物隔二棺之問於存中 台與者只 則合並雨 善魯之合也 人所為今用全木則無許大木可以為 ā 棺置椁中無别物 宂 而各用将也 朱子曰古者椁合東材為 隔之穀則異室死